



Broj: 01/14-02-2272/23-1
Sarajevo, 27.09.2023.g.

Primljeno: 27-09-2023			
Org. jed.	Broj	Priloga	Vrijednost

PREDSTAVNIČKI DOM PARLAMENTA FEDERACIJE BiH

Dana 26.09.2023. godine održana je 7. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
2. Prijedlog Zakona o ujednačavanju penzija ostvarenih po Zakonu o službi u Oružanim snagama Bosne i Hercegovine – hitni postupak,
3. Prijedlog Zakona o izmjenama i dopuni Zakona o obaveznim osiguranjima u saobraćaju – skraćeni postupak,
4. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat unapređenja kvalitete zraka,
5. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat finansiranja Razvojne politike zdravstvenog sektora,
6. Inicijativa za amandman na Rebalans Budžeta FBiH za 2023. godinu od 31.08.2023. godine
7. Predstavka koju je dostavila Mirsada Softić, dana 21.07.2023. godine
8. Dopis koji je dostavio načelnik općine Pale od dana 06.09.2023. godine,
9. Informacija u vezi Komisije za vrijednosne papire Federacije BiH,
10. Zahtjev koji su dostavili Centri civilnih inicijativa (CCI)
11. Zajednička Inicijativa Ureda Hrvatske gospodarske komore pri Veleposlanstvu Republike Hrvatske u BiH (HGK), Predstavništvo njemačke privrede u Bosni i Hercegovini (AHK) i Američka trgovačka komora u BiH (AmCham BiH) koja se odnosi na Odluku Vlade FBiH o propisivanju mjera neposredne kontrole cijena



utvrđivanjem maksimalne visine marži za pojedine osnovne životne namirnice i druge proizvode.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad-1.

Nakon uvodnog izlaganja predstavnika Federalnog ministarstva finansija, Odbor za ekonomsku i finansijsku politiku je obavio raspravu o Prijedlogu Zakona o izmjeni Zakona o utvrđivanju i potraživanju građana u postupku privatizacije po skraćenom postupku i donio sljedeće zaključke:

1. Odbor prihvata Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije po skraćenom postupku.
2. Odbor predlaže Vladi FBiH da se pomjери rok za certifikate za otkup stanova sa jedne na dvije godine.
3. Odbor traži izjašnjenje Vlade FBiH dokle se došlo u postupanju i realizaciji zaključaka Odbora koji su usvojeni na Tematskoj sjednici Odbora 10.05.2023. godine u vezi Agencije za privatizaciju u Federaciji BiH.

Ad-2.

Nakon uvodnog izlaganja, Odbor je razmotrio dostavljeni Prijedlog Zakona o ujednačavanju penzija ostvarenih po Zakonu o službi u Oružanim snagama Bosne i Hercegovine po hitnom postupku i donio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH podržava Prijedlog Zakona o ujednačavanju penzija ostvarenih po Zakonu o službi u Oružanim snagama Bosne i Hercegovine po hitnom postupku i smatra da može ići u daljnju parlamentarnu proceduru.



Ad-3.

Odbor je razmotrio dostavljeni Prijedlog Zakona o izmjenama i dopuni Zakona o obaveznim osiguranjima u saobraćaju po skraćenom postupku i donio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH traži od Vlade Federacije BiH da povuče iz procedure Prijedlog Zakona o izmjenama i dopuni Zakona o obaveznim osiguranjima u saobraćaju po skraćenom postupku i usaglasi ga sa pravnom stečevinom EU, te da slobodno formiranje cijena osiguranja od automobilske odgovornosti omogući automatizmom sa datumom 31.12.2026. godina.

Ad-4. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat unapređenja kvalitete zraka

Ad-5. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat finansiranja Razvojne politike zdravstvenog sektora

Odbor nije razmotrio ove dvije tačke dnevnog reda zbog ne prisustva ovlaštenog predlagača Vlade Federacije BiH, a u skladu sa članom 51. Poslovnika Predstavničkog doma Parlamenta FBiH.

Ad-6.

Odbor je veoma detaljno razmotrio dostavljenu Inicijativu za amandman na Rebalans Budžeta Federacije BiH za 2023. godinu, a koja je dostavljena na Odbor dana 31.08.2023. godine i saslušao prisutne predstavnike Udruženja koja su dostavila Inicijativu i to: Udruženje oboljelih od melanoma FBiH; Udruženje oboljelih od raka prostate FBiH; Udruženje oboljelih od reumatoidnog artritisa i ostalih reumatskih bolesti „Snaga“ u BiH i Udruženje oboljelih od raka dojke „Renesansa“. Tokom diskusije, svi učesnici su iznijeli svoje prijedloge, primjedbe i sugestije, te je Odbor jednoglasno donio sljedeće zaključke:



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

1. Odbor u potpunosti podržava podnesenu Inicijativu za amandman na Rebalans Budžeta FBiH za 2023. godinu od 31.08.2023. godine.
2. Odbor traži od Vlade Federacije BiH da HITNO dostavi u parlamentarnu proceduru Rebalans Budžeta za 2023. godinu.
3. Odbor podržava Inicijativu za formiranje Radne grupe od strane Vlade FBiH gdje će biti i jedan član Udruženja oboljelih koji su i podnijeli ovu Inicijativu.
4. Odbor sugeriše da se na državnom nivou razmotri Inicijativa da se sredstva od akciza koriste namjenski i da se dio tih sredstava usmjeri za potrebe Fonda solidarnosti.
5. Odbor predlaže Predstavničkom domu Parlamenta FBiH da HITNO organizuje i održi Tematsku sjednicu po ovom pitanju.

Ad-7.

Odbor za ekonomsku i finansijsku politiku Predstavničkog doma Parlamenta Federacije BiH je veoma detaljno razmotrio Predstavku koju je podnijela gđa. Mirsada Tokić, dana 21.07.2023. godine, te donio sljedeće zaključke:

1. Odbor smatra da je donesena Presuda trebala biti davno realizovana.
2. Odbor će proslijediti dostavljeni Podnesak Zakonodavno-pravnoj komisiji Predstavničkog doma kako bi dala svoje mišljenje o ovom Podnesku.
3. Odbor prosljeđuje Podnesak gđe. Mirsade Tokić Vladi Federacije BiH i Vladi Zeničko-dobojskog kantona na daljnje postupanje i rješavanje ovog problema, kako bi gđa. Mirsada Tokić ostvarila pravo koje joj i pripada.

Ad-8.

Odboru se obratio načelnik općine Pale, a koji je i uputio Dopis od dana 06.09.2023. godine, nakon čega je Odbor obavio raspravu i donio sljedeće zaključke:

1. Odbor podržava Inicijativu koju je podnio načelnik općine Pale sa detaljnom Analizom, te podržava izmjenu Zakona o pripadnosti javnih prihoda.



2. Zadužuje se Vlada Federacije BiH i Parlament Federacije BiH da izmijeni Zakon o pripadnosti javnih prihoda na način da učešće općina u rashodnom prihodu ne može biti manje od 0, 50 od osnovnog iznosa koji pripada jedinicima lokalne samouprave po ovom osnovu.
3. Zadužuje se Vlada Federacije BiH da pri distribuciji finansijskih sredstava prema kantonima vodi računa o namjenskim sredstvima za jedinice lokalne samouprave.
4. Rok za realizaciju ovih zaključaka je 6 mjeseci.

Ad-9.

Odbor je razmotrio Informaciju koja se odnosi na Komisiju za vrijednosne papire Federacije BiH, te saslušao prisutne predstavnike Komisije, obavio diskusiju i na koncu usvojio sljedeće zaključke:

1. Odbor traži od Vlade Federacije BiH da se čim prije dostave izmjene Zakona komisije za vrijednosne papire Federacije BiH.
2. Odbor traži od Komisije za vrijednosne papire da dostavi informacije šta je to što je najneophodnije izmijeniti u Zakonu shodno dosadašnjoj praksi u radu Komisije s tim da ide u korist tržišta kapitala.
3. Odbor traži od Komisije za vrijednosne papire da na Odbor dostave sve Inicijative koje se odnose na izmjene Zakona, a koje je Komisija dostavljala Federalnom ministarstvu finansija i Federalnom ministarstvu, energije, rudarstva i industrije.
4. Odbor će tražiti od nadležnih organa da se ova istraga oko pokušaja ubistva člana Komisije okonča i da se zaštite ljudski životi.
5. Odbor predlaže Vladi Federacije BiH da preuzme ulogu u rješavanju ovog problema, posebno kada je u pitanju vraćanje povjerenja u rad Komisije za vrijednosne papire.



6. Odbor će u oktobru tekuće godine na sjednicu pozvati predstavnike Udruženja malih dioničara i člana Komisije Mateja Živkovića kako bi čuli i njegovo mišljenje.

Ad- 10.

Odbor je razmotrio Zahtjev koji su dostavili Centri civilnih inicijativa (CCI) I istu prihvatio s tim da će Odbor samostalno organizirati Tematsku sjednicu u mjesecu oktobru ili u drugom mjesecu shodno rasporedu redovnih sjednica Odbora.

Ad-11.

Predsjednik Odbora je upoznao prisutne članove Odbora sa dostavljenom zajedničkom Inicijativom Inicijativa Ureda Hrvatske gospodarske komore pri Veleposlanstvu Republike Hrvatske u BiH (HGK), Predstavništvo njemačke privrede u Bosni i Hercegovini (AHK) i Američka trgovačka komora u BiH (AmCham BiH) koja se odnosi na Odluku Vlade FBiH o propisivanju mjera neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode.


Također, sjednici Odbora su prisustvovali i predstavnici Udruženja i dali svoj doprinos, nakon čega je Odbor jednoglasno donio sljedeće zaključke:

1. Odbor traži od Vlade Federacije BiH da povuče Odluku o propisivanju mjera neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode.
2. Traži se od Vlade Federacije BiH da dodatno protumači i donese rok važenja Odluke.
3. Traži se od Vlade Federacije BiH da dostavi Odboru i Parlamentu Federacije BiH informaciju o posebnim okolnostima zajedno sa ekonomskim argumentima za donošenje ove Odluke shodno članu 6. Zakona o kontroli cijena u FBiH.
4. Traži se od Vlade Federacije BiH da shodno zahtjevu Odbora navede konkretne mjere koje se poduzimaju da se otklone uzroci zbog kojih je mjera propisana u skladu sa članom 5. Zakona o kontroli cijena u FBiH.



Za izvjestioca Odbora određen je Admir Čavalić, predsjednika Odbora za ekonomsku i finansijsku politiku.

PREDSJEDNIKA ODBORA


Admir Čavalić